

吳文節公遺集

第十二冊

100

101

102

103

104

105

106

107

108

109

110

111

112

113

114

115

116

117

118

吳文節公遺集卷三十五

吳養原謹編

奏議

遵保與才摺

奏為

言覆奏仰祈

聖鑒事竊臣接准部咨欽奉

上諭現在湖南軍務未竣賊蹤竄擾靡定各路帶兵攻

剿需材孔亟因思湖漢各營中豈乏材技出眾足備干

城之選者或因官職狹窄限於資格無由及時自以殊

為可惜著各該將軍都統督撫等留心簡練隨時考察

自鎮將以下無論官職大小有謀勇兼裕或材力堪任
折衝禦侮者即行據實保奏候朕簡用其鄰近湖南省
分如保奏之員可資軍營差遣即奏明請旨飭令該員
前赴軍營聽候欽差大臣等酌量委用該將軍等其慎
加遴選毋盪毋遺用副朕整軍經武之至意欽此竊查
臣所轄滇黔兩省營員自鎮將以逮末弁不下八百餘
員名必求其志矢公忠胸羅韜略可以獨當一面膺大
將之寄而無慙者實亦夫能遂得而材技出眾堪任折
衝禦侮者尚不乏人除前此出師粵西各員臣未能深
悉外就現在出師楚南各員弁而論鎮將中如雲南鶴
麗鎮總兵高德布機警敏練能審敵情委以一隊可責

成效偏裨中如雲南龍陵營參將韋中魁曾歷戎行撲
直勇往無巧滑習氣普洱鎮營游擊陳得功才警膽發
討練高方與士卒能同甘共苦貴州提標右營游擊紀
冠軍勇氣勃發凌厲無前不立有退縮之習末弁中如
雲南提標千總沙德章普洱鎮營千總謝周綺提標把
總朱瑞山景蒙營額外楊正雄督標效用武舉李振綱
皆曾歷戎行奮勇當先久戰不怯者督標把總施嘉瑞
馮繼武皆能挽十二力之弓用以步射十中八九其材
技亦有可取者以上各員弁均滇黔各營中之上選現
已效力軍前者也其存營各將弁中雲南如昭通鎮營
游擊巴揚阿才氣勇幹結實可靠開化鎮左營都司安

如嵩精明勇往辦事實心右營都司巴哈布有膽有識
事不避難普洱鎮營守備王萬祥逐捕盜賊強幹精敏
永北營守備陳鶴齡遇事奮勇騰越鎮營千總賀朝崗
奮發有為順雲協營千總趙純明練勇敢貴州如平遠
協副將周鳳岐年逾六旬勇氣不衰軍赤營游擊固塔
納勇幹精勤馭兵嚴整古州鎮營都司三臻祐家世將
門才具勇練以上各員亦皆足供驅策堪備軍前之用
者臣伏思全才難得自古為然器使在人因材可為磨
厲之則中才亦奮弛縱之則銳氣潛銷是又在統師者
之號令嚴明賞罰公允而已查滇黔兩省精銳之選現
已多半前赴軍營其存營可以條用者臣現亦開單飛

咨欽差大臣暨湖南撫臣查照如有需用之處即飛檄
指調前往以資差遣所有遵

旨遴選將才緣由臣謹會同雲南撫臣吳振棧貴州撫

臣蔣霽遠恭摺據實覆

奏并另繕清單敬呈

御覽伏乞

皇上聖鑒訓示謹

奏咸豐三年十月二十三日奏奉

硃批另有旨欽此

請撥兵餉銅本摺

奏為滇省兵餉銅本待用孔殷請

旨飭部迅速籌撥以濟急需恭摺

奏祈

聖鑒事竊查滇省癸丑年春季兵餉前奉部撥浙江省咸豐二年地丁銀二十萬兩又滇省癸丑年銅本該銀八十一萬七千餘兩前奉部撥浙江省咸豐元年地丁銀五十萬兩江西省地丁銀三十一萬七千餘兩共銀一百一萬七千餘兩均係滇省本年待支之款除浙江省解兵餉二十萬兩內劃扣臣吳文鎔上年捐佐江蘇賑需銀六千兩前撫臣張亮基捐賑銀三千兩已交滇藩庫抵用外尚應解銀十九萬一千兩江西省應解銅本銀三十一萬七千餘兩內除前已解到銀五萬兩外

尚應解銀二十六萬七千餘兩前准浙江撫臣咨會所
有應解滇省癸丑年銅本銀五十萬兩因不敷支銷已
咨部請改撥銀二十四萬兩又准江西撫臣咨稱應解
滇省癸丑年銅本二十五萬兩已兩次

奏明截留為防堵經費之用不能解滇合計浙江江西
兩省不復解滇之款已有四十九萬兩均未奉准部咨
如何改撥至浙江未請改撥之銅本二十六萬兩及癸
丑春季兵餉十九萬一千兩又因道路梗塞未起解者
停解已起解者折回業經接准浙省咨會此二款共計
銀四十五萬餘兩未定何時方能解到又本年夏秋冬
三季兵餉上年咨部冬撥案內聲請撥銀四十七萬餘

兩現尚未奉部覆未知指撥何省其何時能解何時可
到更屬虛懸難定而滇省支發之款均係迫不及待如
癸丑春季兵餉各營例係上年臘月開支已由司庫那
墊支發而協餉未到原款難歸轉瞬三月各營即須開
領夏季兵餉並有寫遠營分夏秋並開者已屬無款可
墊數萬兵丁取給無資所關非細即各銅廠工本運腳
亦係百數十萬丁夫之所仰食驟然停止該丁夫等人
多不逞飢而為匪尤恐別滋事端臣等與藩司徐有壬
每相晤商莫名焦灼當此經費支絀之時先其所急自
以新賊大營軍餉為重各省均非充裕部臣等畫實難
臣等具有天良豈竟不知緩急惟雲南此處極邊關繫

奏要向來本資鄰省協濟目前實有窘迫情形若不通盤籌計請

旨遵行倘致事有貽誤獲咎更深臣等與藩司再四熟商先就本省所有之項儘數提出以濟急需其不敷之項候部籌撥擬請將藩庫收存士民捐輸銀二萬四千八百餘兩臣等現在捐輸銀四萬七千兩又庫存捐監正項銀九千餘兩又存籌邊備儲銀七千兩又存封貯急需銀七百餘兩糧道庫收存雲南府倉昆明縣倉奉部糶變穀價銀六萬五千兩又收存各屬未經買補倉穀價銀四千餘兩又收存清查案內各屬攤補缺穀價銀八千餘兩以上八款合共銀十六萬五千五百餘兩

留為動放夏季兵餉及酌給緊要大廠銅本之用此外
不敷之項尚鉅應請

旨敕部於浙江前請改撥銅本銀二十四萬兩江西奏
明截留銅本銀二十五萬兩一併迅速籌撥鄰近省分
實款趕緊解滇用資接濟其癸丑年滇省夏秋冬三季
兵餉部臣自己撥定並請

旨敕部指催迅解以敷本年支發至浙江省前咨暫緩
起解之兵餉銅本銀四十餘萬兩現聞湖南道路已通
可以繞道行走臣等已飛咨浙江撫臣趕即委員改道
起程惟水陸綿遠約非夏末秋初不能陸續到此而統
計滇省本年應需兵餉銅本銀約共一百四十餘萬兩

現止收到銀五萬九千兩待支者既難姑緩協撥者未
克應期藩庫周轉不及勢將脫空貽誤據司道等會詳
請

奏前來 臣等謹繕摺恭

奏伏乞

皇上聖鑒訓示再雲南鹽道庫收有成豐二年鹽課銀
二十六萬餘兩均已隨時解赴藩庫墊放本年春季兵
餉及各廠工本運腳急需必待各省本年協餉解到方
能歸還原款列入奏銷候撥現在並無存項合併陳明
謹

奏咸豐三年二月十六日奏奉

殊批戶部議奏欽此

添鑪加鑄片

再雲南各銅廠砂丁皆係無業遊民且多川楚之人性
成犷悍若驟令失業必至聚而生事現在籌發工本本
省既勢將告匱即

奏催各省應解之項亦苦於緩不濟急若不設法調劑
恐目前即易啟事端臣等與藩司徐有壬反覆籌商非
多鑄錢文就錢支放不可除零星小廠及甯台大廠本
無鑪座又地不產鉛遠購費重均難議鑄錢外擬於省
局及東川府局添鑪加鑄以採出之銅鑄錢即以鑄成
之錢發為工本轉輸周轉庶善庫發銀可減而廠丁亦

不至失所惟以錢代銀作為工本該廠丁領辦油炭薪
米已不如攜銀遠涉之便且現在滇省市易錢價每兩
幾及二千文若照例價發給廠丁該窮丁等累益加累
以不相安自應即照市價動放俾免藉口而所有銅息
鑄息均無從核扣但此係權時通變萬不得已之計由
臣等自行通融酌辦請免咨部報銷將來賊氛掃蕩各
省協濟銅本源源而來自可將新添鑪座減啟一切仍
照舊章辦理理合附片奏

聞伏乞

聖鑒訓示至現在辛亥壬子兩年起運在途京銅共有
五起或尚在川江或甫入楚境因下游道梗不敢前進

均在宜昌以上停候計銅約五百餘萬斤又由廠發運陸續可抵鹽店之銅約有四百餘萬斤合計不下千萬斤即日江路疏通分起開幫尚可不至有誤京運合併陳明謹

奏成豐三年二月十六日奏奉

硃批戶部一併議奏欽此

審擬灣甸滋事匪徒摺

奏為拏獲永昌邊外糾眾滋事匪徒審明分別定擬將情重各犯遵照

奏定章程添請

王命即行正法恭摺

奏祈

聖鑒事竊照永昌府屬灣甸土司景慶久人本平庸又不善經輯族衆道光三十年間其族人景八等滋事焚搶經前任督撫臣調派兵練勦辦將景八擒獲正法矣結其在逃之同黨景幅保等深入夷地內地兵役無從偵獲而景幅保等勢孤力窮數年來亦不敢復動詎有鎮康土司屬下之士舍刀大刀六二人人本允狡饒有田產與灣甸土司景慶久挾有夙嫌遂招引景幅保等代為糾眾報復意圖奪占灣甸地方各人瓜分其一切器械火藥糧食均刀大刀六為之囊橐而令景幅保出頭滋事糾約各處回漢夷匪約五百餘人於上年

春夏間闖入灣甸境內沿村焚劫殺戮夷民據永昌文
武得信稟報即經臣吳文銘與前任撫臣張亮基飭
該文武調集兵練將內地隘口嚴密防堵札飭該土司
景慶久自行集練攻勦乃景慶久庸懦無能平曰又不
得夷象之心以致屢為匪徒所敗八月間匪徒奪踞該
土司耿夏土署景慶久逃入夷寨縣遵稟請官兵救援
其時該匪等又分派羽黨擾及灣甸之猛崗地方查猛
崗西北距永昌府內地較遠而東南距順甯府屬內地
甚近該處夷民男婦均紛紛避入內地臣等接據稟報
即札飭迤西道王發越馳赴順甯府駐劄督辦一面分
飭永昌順甯兩府兩協多派兵練直入土境兩面夾攻

並飭札調騰越廳土守備左大雄帶練前來協勦旋據
該道稟報永昌兵練由西北一路攻尅耿戛土署殺斃
匪徒一百餘名生擒八名餘匪併入猛崗一處我練勇
陣亡五人帶傷數名順甯兵練由東南一路亦將其點
近內地之營盤數座攻燬殺斃匪徒五十餘名我練勇
陣亡三名帶傷數名該匪等均蟻聚猛崗山上其山坳
有回寨極大四面均堅砌石牆該匪等復於山角山口
紮營環守猝難攻入乃大刀六又添糾游匪一百餘名
由山僻陸續迭赴猛崗匪寨並隨時接濟火藥鉛彈該
匪等故得負隅抗拒臣等以此等蜂蠆小醜我兵練不
下千餘何至不能掃穴擒渠節據該道府等稟報情形

均嚴加督催去後。經永昌府彭崧毓署順甯府劉廷諤
會同署永昌協福兆署順雲協巴揚阿於本年正月初
九初十十一等日親駐對山督率兵練晝夜環攻先將
其寨外營盤全行攻燬乘夜用火焚燒其寨我兵練一
鼓擁入殺斃匪徒並被焚壓死者約有二三百名不計
確數生擒十三名搜獲器械二百餘件米一百餘石餘
匪乘黑夜由山溝小河鳧水潛逃該府協即派弁兵練
勇跟蹤緊追在途殺斃匪徒三十餘名生擒六名追至
二百里外已盡灣甸邊界山徑叢雜賊已不見蹤影而
首惡之刀大刀六景幅保等迄未就獲該處煙瘴叢將
威起兵練不能不撤回內地即經署保山縣知縣周錫

桐親赴灣甸鎮康兩土司交界地方駐劄密派永昌協
外委顧子典張樸酌帶兵丁數十名直入鎮康土境一
面札飭鎮康土司刀悶晟圖令其會同搜捕匪黨旋據
該外委顧子典張樸會同該土司刀悶晟圖將刀大刀
六二犯擒獲並割獲首級二十二顆耳記七十一副一
併解交保山縣圖錫桐押解回城其景愷係一犯據刀
大等供自認竊逃後並未至伊家邊外野夷地方遠
聞逃往何處實不知道等語據該道府先後馳稟前來
並稟稱灣甸地方現在一律靜謐各處兵練均已撤回
分別歸伍散遣等情即經臣等批司移道親提現犯確
切研訊錄供擬擬詳辦茲據迤西道王發越覆審明確

開具供摺移由藩司徐有壬署臬司史致蕃核轉到臣
等臣等詳加查核緣刁大刀六係鎮康土司所屬土舍
田產富足與灣甸土司景慶久素有嫌隙因知景幅係
係景慶久族姪道光三十年曾隨同前已正法之景星
景八與景慶久爭奪土地未成被奪逃在夷地咸豐二
年春間刁大刀六將景幅保招至家中慫恿向景慶久
報讎並極殺卻景慶久可以占據灣甸全境各人瓜分
田地享用景幅保以力單勢孤為詞刁大刀六許代為
糾人接濟口糧火藥倘景慶久稟請官兵前來即同心
抗拒土境煙瘴甚大官兵不能久駐不怕不能成功景
幅保允從即分頭糾得四匪馬有明等一百餘人漢匪

熊呈崗等七十餘人夷匪魯八十六等二百餘人隨後
又逼脅在夷地傭工之漢民楊春法等三十餘人入夥
令景幅保率帶各匪前往刀大刀六在家製備口糧火
藥鉛子等物陸續接濟三月間景幅保即率眾突入灣
甸境內沿村焚搶殺戮夷民直抵該土司所居之耿委
地方該土司景慶久集練抵禦為該匪拒斃練勇多人
景慶久勢不能支逃入民寨稟求永昌府發兵救援景
幅保等已分踞耿夏猛崗地方派人四出擄掠婦女劫
奪糧食經臣等札飭迪西道前赴順甯督辦經永昌順
甯兩府協分路夾攻奪復耿夏地方殺斃匪徒一百餘
名生擒八名而景幅保等屯聚猛崗大寨又得刀大刀

六代為糾人添助接濟火藥等物負隅抗拒於本年正月經該府協督飭兵練四面環攻破燬賊巢先後斬馘及焚壘致斃者約二三百名生擒十三名餘匪乘夜竄水翻山而逃又經兵練追殺數十名生擒六犯復經署保山縣遣派弁兵深入鎮康土司境內會同該土司將首犯刀大刀六擒獲並割獲首級耳記九十餘顆副地方均已肅清由該永昌府訊取現犯供詞解經迤西道覆審按擬移司由藩臬司覆核詳請具

奏前來查律載凡謀叛但共謀者不分首從皆斬又例載土蛮雖殺劫擄所犯係死罪將本犯正法家口遷徙各等語此案刀大刀六身充土舍輒敢貪圖土地怨惡

逸匪景幅保等報復滋事代為糾人接濟火藥等物拒
敵官兵傷斃夷民練勇多命馬有明等聽從焚劫抗官
殺練均屬情同叛逆自應比例問擬刃大刀六馬有明
馬老五熊呈崗姚四虎明王海馬錦雲馬阿黑楊挺安
萬年丁三魯八十六楊老太施小科楊觀保方愜明周
老十盧善保字長春傅常法羅正保陳小五李恒芳楊
洪深二十五犯應均請照謀叛但共謀者不分首從皆
斬律擬斬立決從重加擬梟示逆照
奏定章程恭請

王命先行正法傳首犯事地方懸竿示衆案係比照辦
理家屬應免緣坐財產亦免入官刃大刀六家口仍查

明照例遷徙楊春法趙連甲楊開法劉老四被脅服役
雖未隨同拒敵究屬濟惡楊春法趙連甲楊開法劉老
四均請於謀叛斬罪上量減一等抄發黑龍江充當苦
差照例刺字其被斃及焚壓致斃者人數眾多無從
認取姓名應毋庸議逸犯景福保等仍隨時嚴緝務獲
究辦至該土司景慶久一經匪徒滋事即退縮畏避並
不能集練勦辦實緣賦性昏庸兼復苛刻以故夷眾均
不用命若僅予革職留之地方仍恐復肇釁端應請與
家口一併遷徙以靖邊圉所有灣甸土司另選承襲起
獲匪械分別銷毀交解逃亡民人妥為招撫傷斃練勇
照例恤賞此次支發兵練鹽糧為數稍多均係由永昌

府並保山順甯兩縣捐辦併免造冊報銷除俟錄供招
咨部外臣等謹恭摺奏
聞並另繕現犯姓名情罪清單敬呈
御覽伏乞

皇上聖鑒

敕部核覆施行謹

奏咸豐三年三月二十日奏奉

硃批刑部議奏單併發欽此

吳文節公遺集卷三十六

吳養原謹編

奏議

勦捕東川府回匪由

奏為東川府屬回匪藉詞報復焚搶戕官現在調兵勦捕及臣吳文鎔出省督辦緣由恭摺具奏仰祈

聖鑒事竊查滇省漢回匪徒積有宿讎互相報復不必所報係何人而無端竊發輒肆焚劫道光年間疊次用兵懲創其兇悍之習總不能除據迪東道東川府先後馳稟三月二十日夜有東川府屬距城二百餘里之湯丹廠回匪馬二花等聚眾多人聲稱欲報道光二

十七年漢民焚搶回民之讎將該處街市民居放火焚燒殺斃多命該地方文武得信後前往彈壓查拏該匪等即竄至東川府興尋甸州交界之烏竜寨地方屯聚烏竜係一大寨包有村落十數處四面皆山其中回戶極多該署東川營叅將明恒旋又帶兵百餘名馳赴彼處正在搜捕詎該匪等糾聚愈眾并逼脅同教徒黨千餘人將該叅將拒傷跌崖殞命復拒斃官兵多名等情臣等當即飛詞省標及附近東川之昭通鎮曲尋協及尋雲武定兩營官兵前往會剿嗣又據東川府稟報距城數十里之三官廟貓貓園等處有該匪等同教或三四百人或七八百人聞風乘勢各處焚搶臣等因東川

存城兵力太單前調各處之兵又須勦辦烏竜回匪不
能分撥即趕緊札調距東川最近之貴州威甯鎮兵令
該署鎮常存統帶馳赴夷川勦辦臣等仍一面繕發告
示多張曉諭回漢良民不得因此驚疑務安本業毋被
煽誘勾結臣吳文鑑因各路官兵無人統領恐致透聚
觀望亦即出省赴尋甸州督同巡東道潘楷曲靖府知
府鄧爾恒就近籌畫辦理現在烏竜寨屯聚賊匪倚恃
山險負隅抗拒應俟各路官兵及招募土練齊集後即
行四面進勦以期一鼓殲除其三官廟貓貓園等處匪
徒亦經署昭通鎮愛興阿督同護叅將楊定國屢有擒
斬一俟威甯鎮兵到齊即可勦除不至蔓延至兗連各

竊州縣漢回民人均飭令該文武等就臣等告示大意責成里甲掌教約束開導結好釋嫌互相保衛出結呈官均各安靜無事所有東川府屬回匪滋事狀官現辨情形及臣吳文鎔出省督辦緣由理繕摺由驛具奏伏乞

皇上聖鑒訓示再尋甸州距省僅有四站所有臣鎔衙門公事仍按日包封遞送核辦合併陳明謹

奏咸豐三年五月初八日奏奉

硃批另有旨欽此

急切未能交卸督篆摺

奏為微臣急切未能交卸督篆緣由謹繕摺馳

奏仰祈

聖鑒事竊臣於五月二十二日亥刻在尋甸州行營接
准兵部五百里遞到軍機處封咨內開咸豐三年五月初八日內閣奉

上諭聞浙總督吳文鎰著即馳驛前赴新任無庸俟羅
繞典到任交卸其雲貴總督印務著吳振楫兼署欽此
臣自當即日旋省交卸督篆遵

旨馳赴閩省新任惟查東川府湯丹廠回匪滋事狀官
一案臣出省督辦前於五月初八日業經會同撫臣吳
振楫恭摺馳

奏在案現在正當勦捕喫緊之際大兵雲集臣若遽行

旋省恐各路帶兵將介心生懈弛勦辦必至費手而撫
臣吳長城一人兼理兩篆省垣重地又未便輕率出省
臣再思思維不敢稍涉拘泥應即暫緩回省俟勦捕回
匪事可就緒臣即星夜旋省交卸督篆遵

旨馳赴閩浙新任至現在勦辦情形臣謹另片奏

聞所有臣未能迅即交卸督篆緣由謹恭摺馳

奏伏乞

皇上聖鑒訓示謹

奏咸豐三年六月初一日奏奉

硃批是知道了欽此

勦辦回匪情形片

再回匪馬二花等前由東川府湯丹廠進入東川尋甸
交界之烏竜寨地方負隅抗拒經臣督飭各路兵練於
五月十二日攻燬烏竜賊巢斃賊數百人該匪首馬二
花挾其死党及逼脅同教約三四千人乘夜翻山逃竄
當經臣飛飭各帶兵官拔營跟追惟該處跬步皆山路
迳叢雜現在已將該匪等追至尋甸州屬之柯肚街地
方該處山深箐密匪等仍復恃險拒守我兵現在逼近
賊巢紮營以便進剿於二十五日獲有勝仗擒斬數十
人緣正值大雨時行之際每因雨阻槍礮難施不能得
手臣不勝焦灼之至至其被脅之人亦非盡甘心從賊
迫於不得已者居多是以臣一面督飭各營官兵但遇

天晴即進仗痛勦務將首要各犯擒讞靡遺一面委員設法招撫被脅之人藉以散其羽黨一俟勦撫就緒地方肅清即當飛馳奏慰

宸廑所有現在辦理大概情形謹會同撫臣吳振楫附片具

奏伏乞

聖鑒訓示謹

奏咸豐二年六月初一日奏奉

硃批另有旨欽此

勦辦回匪情形摺

奏為恭報勦辦尋屬回匪獲勝情形及現在合力追勦

首匪緣由恭摺具

奏仰祈

聖鑒事竊照滇省東川回匪滋事臣吳文鎔出省馳赴
尋甸州督辦及急切未能交卸督篆各緣由業經臣等
於五月初八六月初一等日先後由驛具

奏在案查該匪逃至尋屬之柯肚地方屯聚旬餘柯肚
回民未被脅從旋於本月初三日勾結尋甸州西之那
里八甲各村寨回民竄入其中聯為一氣恃強抗拒我
兵亦即踵至攻勦該處山深箐密尤為險阻且連日陰
雨槍礮難施僅於初五初六十一等日報獲小勝殺賊
數十人及百餘人不等我弁兵亦間有傷亡正在環攻

之際接據哨探首匪馬二花又於十五日夜挈帶千餘人由山僻小徑竄至尋城迤北之魯冲回寨又肆煽惑而八甲匪徒仍復負隅撐拒臣當與現調來營之署臬司崔光笏及該道府等熟商一面分兵跟蹤追勦一面仍飭署昭通鎮總兵愛興阿速將八甲賊匪撲滅免致蔓延通東川回民就撫飭據署貴州威甯鎮總兵常存亦帶兵前來該鎮等逼近賊巢分紮營盤兩路夾攻據報二十一日天色晴霽會同進勦八甲該匪亦分出迎敵我軍槍斃齊施斃賊無數轉戰直入賊巢斬讖數百人村寨均被燬火延燒其該處為首之馬鵬程等亦經擒獲訊明正法所有八甲地方現已肅清臣等當經出

示招撫零星逃竄之難回各復本業一面飛調兩路官
兵乘勝齊赴魯冲圍攻首匪馬二花等務期殲除淨盡
不留餘孽另行馳報外理合將勦辦八甲回匪獲勝及
現在合力追勦首匪緣由台詞恭摺馳
奏伏乞

皇上聖鑒訓示謹

奏咸豐三年六月二十四日奏奉

硃批

回匪報誠片

再東川府距城數十里之三官廟貓貓園等處另股回
匪焚搶各處漢村前經臣等檄調署貴州威甯鎮總兵

常有帶兵赴東會同該府和機勦撫附片具

奏在案茲據該鎮府稟稱已於六月初一日至初八日
據該回民陸續赴官投稱為首滋事各犯業經官兵臨
陣殲斃反拏獲正法伊等均係被脅良民情願呈繳器
械具結永不滋事等情當經該鎮府傳集回民公正掌
教與漢民衿耆互立合同共敦和好分別安插復業現
在地方一律安謐所有該鎮常存管帶之兵已飭令來
尋會勦馬二花等股匪臣等謹合詞附片

奏慰

宸廑伏乞

聖鑒謹

奏咸豐三年六月二十四日奏奉

硃批

勅辦回匪情形片

再回匪馬二花於前月二十七日由尋甸州所屬之魯
冲村挾其羽黨乘夜竄逸經臣將督勦不力之總兵官
勅參反臣自請

勅部嚴議於六月二十九日具摺馳奏在案查該匪等
自魯冲逃出由密箐深巖潛行向北逃至尋甸東川交
界之花香箐地方擄劫漢村佔踞屯住大兵跟蹤追及
六月三十日經署威甯鎮常存護昭通鎮王國才督兵
進勦該匪等復敢分股抗拒我兵槍斃齊施斃賊數十

名賊象潰敗退入山後我兵即翻過山梁追勦賊且拒
且奔我兵又翻過一重山梁痛加勦殺先後斃賊二百
數十名奪獲器械數十件賊象遁入巢穴外隔箐溝一
道我兵因天晚未便窮追收隊回營詎賊又乘夜潛竄
已入東川府境我兵即拔營跟追該匪等鼠伏獠升蹤
跡靡定我兵於七月初六日酉刻追及賊尾擊斃三十
餘名初七日申刻追至距東川府城一百餘里之待補
村地方兩面大山壁立中通小路一條賊匪負隅屯踞
我兵是日正在山口紮營賊匪膽敢前來撲劫我兵奮
勇攻殺割獲首級四顆耳記四副賊始敗退初八日因
雨未經進仗初九日賊又從山僻潛行向東川府一路

遁去大兵亦即拔營跟蹤追剿現在該匪兇強悍之徒
不過四五百人連老弱婦人約共千餘人如果別無裹
脅其勢已易撲滅至該匪等在尋甸逼脅各村回民同
逃至花香箐地方現在由中途脫身逃歸求撫者男婦
不下二千人臣已分遣委員趕緊查明安撫復業並出
示曉諭漢民不得更生猜疑轉令反側不安致生枝節
所有連日勦辦回匪大概情形謹會同撫臣吳振楨附
片奏

聞伏乞

聖鑒再此案前後情節臣等已縷晰告知新任督臣
繞典悉心商辦合併陳明謹

奏咸豐三年七月十五日奏奉
殊批知道了欽此

南寧國貢使酌量變通摺

奏為南寧國貢使入京恐豫省驛路難行擬請變通辦理
理恭摺密奏仰祈

聖鑒事竊照南寧國長召整塔提腊宮滿遣使入貢抵
開日期臣等於本年六月二十四日繕摺馳奏在案查
歷屆南寧貢使及所進象隻係分兩起行走應由貴州
湖南湖北河南經過計正副貢使所帶輓目通事後生
跟役加以護送文武各員及擡運貢物各件所需車馬
人夫為數不少館舍飲食供頓甚繁現聞賊匪竄擾豫

境去來艱忽難以預料地方官或辦防堵或辦兵差搶攘之中勢必不能兼顧若竟照常令其貿然前往即使無意外之虞而或因道路不通不能前進不特羈留久住之處一切支應維艱且使該使臣等留滯中途經旬累日亦非我

皇上體恤遠人之意臣等再四商酌與其拘泥舊章而未能妥善不若宣示

德意而量為變通可否仰懇

皇上特頒諭旨曉以現在用兵之故

恩免該使臣等遠涉赴京即由滇省優與犒賞妥為護送先行回國其貢物及象隻俟道路肅清由滇派員齎

送至向來到京後應行

頒賞該國長及正副使臣等銀物仍由該管衙門照辦
齊全先行發交滇省再由臣等派員齎送出關轉文該
國長祇領分頒如此權宜辦理則既遂其輸誠之願又
如以曲體之恩於

國體既無所傷在該國長亦必倍深感激而河南一帶
用兵疲困之地藉免供應之煩又不至顧此失彼照料
難周致生缺望現計該使臣等不日可抵滇省如蒙
俯允即求出自

宸衷迅速頒發

諭旨以便祇遵辦理臣等謹合詞具摺密奏伏乞

皇上靈鑒訓示施行謹

奏咸豐三年七月十五日奏奉

硃批另有旨欽此

吳文節公遺集卷三十七

男養原謹編

公牘

批上饒縣鄭守誠等呈控馬廷芝等聚眾製械由
查粘呈刻板書四本其中詩詞鄙俚紕繆處不一而足
想皆係不學無術之徒附會所為本院徧檢新舊唐書
並無李德勝其人則其人之不經可知人且不經神於
何有靈於何有此等淫祀如其廟貌尚存正宜拆廟毀
像以正祀典而警愚頑特江右風習類多信鬼茹神僥
使該民人等止為奉祀香火祈求晴雨起見如土神社
廟一般別無爭競則修其教不易其俗本院亦不復深

求今乃因修廟迎神而啟訟端該民鄭守誠等控馬廷
芝等聚眾千人製造礮械等情而訊據抱告徐勝憲亦
供稱鄭守誠等前往迎神令每都戶出一人人持一棍
是兩造各挾一械鬪情狀因事神而滋訟因訟而至械
鬪此其流弊無窮皆眾人所指目之妄神階之禍也尤
宜將該土偶投諸水火以絕根株惟察曩兩造控情及
徐勝憲供詞大約兩造為爭神起衅實係為爭利起衅
借詞修廟插身董事目前可以斂錢分肥此借神漁利
之一端也在距廟最近之都則願將土偶據為己有不
許他出俾癡騃愚氓紛紛前來燒香布施可以坐獲香
資在距廟漸遠之都則願將土偶擡赴彼都俾癡騃愚

紙紛紛隨往燒香布施可以輪獲香資此又借神漁利
之夙弊也此等紳衿實士林之蠹此等百姓亦奸黠之
魁均須按法懲治他穿有一非即有一是此案兩造均
無是處仰布政司會同按察司即飭廣信府先行查察
該廟究竟始於何年有無妄言惑眾情事應否將該土
偶剝斬毀棄不准立廟抑應徇俗仍舊妥定章程不准
兩造妄爭俾奸民知懲而愚民相安一面提齊人證卷
宗酌理準情嚴訊究斷其妄庸健訟滋事不逞之徒各
治以應得之罪詳候察奪現詞同前陳有相等所遞一
詞并發查辦粘件并抱告供詞并發

批奉新縣熊景佐等呈控黃春暉拖欠鹽課由

查閱錄呈道批此案業經由道批發安義縣吊據訊辦
本年十一月十四日本部院衙門並無據黃春暉具呈
批府提訊之事該職員等詞後鈔粘呈批究係何人捏
造膽玩已極仰蓋法道速飭該縣併究詳辦毋稍飾延
附發粘批一紙並即轉發該縣查覈辦理

批奉新縣黃春暉呈訴詐傳院批由

前據熊景佐等鈔批具呈當查本部院衙門並無據黃
春暉具呈批府提訊之事究係何人捏造批道飭縣併
究在案茲據黃春暉呈稱前批係萬重修代告鈔付等
語是其詐傳本部院批語已據自認不諱而特幻出一
萬重修之詭名計思諉卸膽玩刁狡可惡已極仰蓋法

道過飭該縣先將黃春暉揭職詳革嚴行訊究按擬懲
辦其被控欠課之案一併飭縣嚴訊究辦毋任狡飾延
縱鈔粘並發抱告黃德全押發首縣遞回安義縣收審

批奉新縣黃春暉呈控萬重修捏批國陷由

查萬重修捏造院批現據該司等轉據委員訊明黃春

暉係事後知情分別議擬具詳茲黃春暉以萬重修串

熊捏批國陷伊不知情等詞隨詳來轅翻控查萬重修

係黃春暉一造訟師自無與熊景蘇等一造串通之理

即黃春暉前次來轅遞具呈詞亦自稱萬重修代做代

告捏批哄騙等語今忽改稱批係萬重修串熊捏陷竟

欲將此造捏批之事卸置彼造其居心刁惡可惡已極

仰按察司飭再提集犯證研訊明在據實詳辦如係黃
春暉捏情空翻即照例嚴行懲治毋稍寬縱切切

批萬安縣詳王文義受雇載私由

此案前據卡員稟報李世培藍世選王文義三名均係
蓋犯惟林長佳仔一名係屬水手今該縣提訊李世培
等三名亦俱供係水手因在逃船戶郭錫義受雇載私
該犯等聽許力錢允從幫駕而於受雇之正犯販蓋之
私梟皆誣為在逃之人與卡員所稟迴不相符明係該
縣任犯狡供遷就了案當此私蓋充斥離務極壞之時
緝私員弁既不能有犯必獲而獲犯到案地方官猶一
味遷就不肯認真究辦何以戢私梟而疏官引殊為可

恨仰按察司會同鹽法道即飭吉安府將此案同該縣
另詳林得光一案一併親提嚴訊實在販私確情究明
私販員自何處何人運往何處窩囤銷售是否積慣濟
梟同夥實有幾人務得切供據實按擬詳辦該府身膺
方面如亦護庇盜犯狃於化案積習定將該府縣一併
嚴叅仍飭該縣勒拿逸犯務獲解府併究至林長生仔
一名如果認明實無得錢幫同載私情事即先行釋放
不必拖累仍候督部堂批示繳

批鹽道會詳審明私船水手由

此案王文義等既據審明實係水手船戶攬雇生意水
手不能作主該犯等僅止聽許趕路錢二百文又未入

手何必糾以受雇載私為從之條虛示嚴切惟該犯等
知情貪利亦屬冒法當各用大枷枷號兩個月即在良
口卡河干示眾滿日重責三十板釋放耳目昭彰庶足
以示懲儆但該府縣如敢私放並不枷號本院密遣的
人查出則該府縣難辭重咎也仰即轉飭遵照仍錄批
報明督部堂並候批示繳

批萬載縣詳審結職員王光佐夫婦各呈送嫡庶
二子不孝由

父母於子情關天性地方官審斷此等案件自當本之
天性俯順輿情酌量變通豈可概繩以法此案監生王
見珍王玉珍弟兄先因分析家財互相爭競被其父王

光佐其母王李氏呈送現在王光佐既懇求恩全則父子母子之天性如初該縣惟當面誠王見珍王玉珍等以後益當和睦手足勿競錢財以體父母之心若必革監折責在王見珍等固咎無可辭恐王光佐夫婦反不能無悔憾也增一層官法徒減一分天性轉非所以導之孝弟之路也仰即遵照將該監生王見珍等當堂剴切教誡諭令王光佐領回管教所請革監折責發落之處應毋庸議仍將遵辦緣由具覆並錄批呈報學部院並候批示繳

批委員候補縣等稟請議敘由

無論該員等現稟獲犯起數與前贛南道府所稟數目

不符且該員等本係會同各廳縣查拏其如何出力之處亦尚須察覈乃公然以某當儘先補用某當加予陞銜銖較寸量自保自薦此等躁妄之風亦胡可長耶仰按察司會同布政司嚴行申飭至贛南一帶當上年查辦之始一切吸販之徒雖日獲百起無難經歷數月獲止此數本無可見功所有該道府前請獎勵批司查議之案並著無庸議此繳摺存

批臬司詳進賢縣生員胡廷琛被搶由

此案胡廷琛前報伊弟胡懷清押錢赴縣買穀船泊青嵐湖口被匪上船毆傷搶去錢衣物業經該前署縣勘驗訊明今忽改稱係遭風遭風情形與被搶情形迥

然不同原勘該船並無損壞形跡如果翻溺拖回豈能
一無損壞且就現訊供情而論胡懷清如果挪用錢文
不能措歸正可惜此遭風沈溺事出意外幸有打撈散
失地步可以縣閃將實情向伊兄告知有何懼怕而捏
稱被搶耶况船戶楊萬先等並未與胡懷清同用錢文
自家船隻已被遭風翻溺其篙槳零物斷難一無損失
方將急訴其苦有何不是怕擔而亦扶同捏報耶此尤
百思不得其情理者也案閱搶賊逾賈重情儆係胡廷
琛飾情捏報必當按擬嚴懲以儆刁風豈容起滅自由
若係該縣規避處分設法消弭尤須澈究叅懲難任顯
預率結仰即札飭南昌府親提人證研審確情據實錄

供另詳察辦毋任迴護遷就切切仍候督部堂批示繳
批永豐縣詳黃秀茂等謀命圖詐由

此案黃秀茂與黃昌慶同赴該縣挑腳營生共寓一店
是其平日素好可知何以黃秀茂一經黃昆述談及劉
大梁殷實忠厚怕事之語即起意將黃昌慶致死圖詐
且黃秀茂與黃昆述雖係同族一住永豐一住瑞邑本
非素識嗣黃秀茂於上年十一月十一日來永豐尋覓
挑腳始與黃昆述會面認識乃於十六日即與黃昆述
商謀將黃昌慶致死以僅僅識面之人而遽商及謀命
圖詐重情亦恐無此圖昧至當日黃昆述撞遇黃秀茂
談及窮苦黃昆述即以劉大梁殷實忠厚之言向告豈

非蓄心圖詐乃現供又以謀命圖詐之意出自黃秀茂
情節亦不合拍迨十八日黃秀茂誑令黃昌慶出店自
係意在下手應必先與黃昆述約會乃各供內又稱黃
昆述適往探望黃秀茂告知借宿情由黃昆述始行會
意似屬不期而遇假如黃昆述是日不往探望黃秀茂
將獨自下手耶供情尤為閃爍至其邀黃昌慶同往飲
酒之店戶縱或不識姓名而店在何處豈有不知是否
果有其事亦案中一證該縣含糊置過種種支離難以
枚舉亟須確切研究以期水落石出仰按察司即飭該
縣振刷精神再行提集犯證虛表研鞫實在如何謀命
圖詐究明有無別情務得確實情節錄取切供另行通

詳察辦毋再顛預草率致干叅咎仍候督部堂批示繳批鉛山縣稟查辦凡弁賄縱煙匪由

此案前據鉛山營都司稟揭當即飭將王把總摘頂革任並札飭河口鎮同知顧五提案嚴訊追起匿贓跟緝逃匪在案茲據鉛山縣稟稱都司與把總所移情節互異稟請本府提審等語查稟內稱關里正稟初八日住河口鄔姓飯店將銀信並錢十二千安放櫃內本無交店主收藏之語該縣訊之店主鄔楊氏供關里正並無洋錢交伊收藏惟木櫃及箱篋經把總搜煙一並起去是所供與關里正之供相合而該縣指以為所供互異何也况木櫃及箱篋乃籠統貯物之物該把總既稱查

獲時當該店主等眼同看明並無遺失物件銀錢云云
究竟此木櫃及箱篋曾否打開逐一與鄔楊氏查看惜
該縣未一耐心確訊耳僮訊得鄔楊氏切供則是否關
里正之藉端誣搶抑王把總之藉端攫財已可得其根
據且木櫃箱篋該把總現已起獲曾否與短刀五把煙
土四包一並呈繳僮並未呈繳則不獨攫取關里正之
銀錢該把總恐百喙難辭即匿報煙土多斤亦一斑可
見總之該弁兵等僮現將匪犯賣放而轉擾及無辜則
情節尤為可惡仰按察司迅飭該縣將人證贓物解交
河口鎮同知衙門收審仍由司飛飭顧丞速行查訊分
別解辦至關里正如果係平民該弁兵等實有攫取銀

錢之事著即一面訊取供結一面追贓給領釋放安業
毋稍拖累切切此繳稟抄發

批豐城縣審詳武生楊儒傑等掉竊客銀由

查此案逸犯老張等掉竊任擇賢銀兩該縣初詳已據
楊儒傑店夥張大有等供明係楊儒傑同謀陳二美亦
自認知情受雇同行現詳據訊楊儒傑與陳二美均止
事後知情分贓無論前後不符即就現供而論當日老
張等因竊任擇賢銀兩如果楊儒傑等並非同謀其時
老張等同夥已有四人何擔不可自挑而必託楊儒傑
代雇陳二美同住迨其掉竊得銀之後自然飄然長往
何又仍回楊儒傑店內察覈情形明係楊儒傑同謀串

竊糾令陳二美同往坐家分贓今該縣謂楊儒傑並非
同謀亦未同行不但陳二美供證確鑿即事主亦供無
異詞毋慮避就云云殊不知陳二美即係夥犯其供豈
足為憑至事主則見楊儒傑未經同行耳又安能供其
不同謀耶此等匪類該前縣葉令不據實懲辦而設法
為之輕縱開脫是誠何心仰按察司速飭現署縣即提
楊儒傑追交逸犯老張等務獲到案提回研審實在如
何勾串夥謀跟蹤掉竊確情錄取切供據實另詳察辦
一面選差幹役一體嚴拏案關串謀掉竊逾貢重贓為
害行旅毋任延縱仍候督部堂批示繳

批崇義縣詳審辦竊賊郭定誥由

查此案被竊契據至二十一張借約至四十一張為數不少若不急速代為查清給照則小民被竊之情愈苦且恐事後易啟爭端乃該縣於二十一年三月之案遲至二十二年二月始行詳報而猶云飭令事主呈明契載價值並借約戶名多寡分別給照備案云云作此未了之語究竟一年之久該縣何以不早為辦理無論契據閱係糧賦借約戶口紛紜加以書吏之藉端朦混差役之挾制刁難地方官稍為忽略種種弊端相因而起小民困苦益深况人情多幻僮事主竟有捏少報多情弊若不一一清理亦恐徒貽膠葛今該縣並不將所失契值借本向事主一詢僅祇被竊契約無贓可計將賊

犯於計贓科罪之外量加亦別顯預率結該縣之不能
盡心民事已可概見除徑札南安府飭速確查訊覆外
仰按察司即飭該縣將被竊契約逐一查訊確實分別
給照文案清理明白另詳察奪毋任顯預再延仍候督
部堂批示繳

札撫州府查訊臨川縣民朱桂茂控伊妻被朱全
山毆斃一案由

本年六月二十九日據臨川縣民朱桂茂以伊妻鄒氏
遭朱全山等兇毆立斃並門丁勒索等情來報呈控本
部院當查朱全山等因何突然將朱鄒氏兇毆立斃詞
內既無起衅根由又無見毆證佐含糊閃爍顯有不實

惟控關人命且又牽及被告賄佈魚緣門丁勒詐各情
虛實均應澈究批司即飭該府親提訊辦並票飭巡捕
官將該原告朱桂茂押發南昌縣遞回該府衙門收審
去後茲據巡捕官回稱該原告業已因病回家查該原
告來轅具呈不候發落率自潛回難保非架詞混告畏
究避匿應先專提該原告到案研訊實在因何潛回並
將其所告各情逐一指詰如果訊明別無情弊並所告
各情確有指證再提被告與之質審究辦以杜遲刁拖
累除加批發司飭遵外合行札飭為此札仰該府即先
專提朱桂茂到案研訊實在因何潛回並將其所告各
情逐一指詰如果訊明別無情弊並所控各情確有指

證再提被告與之質審究辦一面飭縣將相驗緣由作
速填格通報察核毋稍刻延切切特札

批萍鄉縣監生劉卓城呈訴伊孫忤逆由

前據具呈已批司查案詳覆該監生之孫劉光明等經
府提訊僅止私賣公山竹木未成並無盜當及允推袒
父母情事該監生之長子劉祥亭管理未分家產因弟
婦劉鍾氏向其查算妄起猜疑致肇衅端將劉光明等
分別擬以杖責戒飭並以該監生夫婦尚存劉鍾氏等
本不得分財異居惟未分產業俱係劉祥亭管理既不
免侵吞之弊即難保無爭執之端斷令將家產四股均
分詳司批結因該監生來轅呈控復飭府覆訊秉公斷

詳在案察核該府原斷係為該監生子孫杜絕爭端起見該監生年將七十何以尚執迷不悟是否劉光明等實有忤逆別情該府原審未經究出抑係劉祥亭圖管公產從中作祟仰按察司即飭該府提集人證秉公覆訊確實如劉光明等果有忤逆情事即按例懲治儻係劉祥亭從中作祟亦即嚴究詳辦均毋姑容切切

批萍鄉縣監生劉卓城再呈訴伊孫忤逆由

朱子家訓云倫常乖舛立見消亡該生家庭之間如果實有此等不肖子孫則該生之平日絕無家教可知該生身列成均非鄉愚可比先當自愧自責乃猶嘒嘒嘒嘒訴殊屬不知羞恥前已批司飭府確訊分別懲辦仰按

察司即嚴催該府查照前批速訊詳辦該生即赴府投
質毋得屢曠

吳文節公遺集卷三十八

男養原謹編

公牘

批宜春縣詳蘇順侯戮傷萬年科身死由

查楊齡坑地方既通大路往來之人不一而足豈能人
人認識蘇順侯何致因萬年科面生遽疑匪人不許在
彼坐歇迨萬年科往前行走蘇順侯儘可了事何以復
向趕罵所訊起衅根由殊屬鶻突至蘇順侯胸膛一傷
據稱因執住槍頭與萬年科兩相搥奪以致戮傷之處
亦屬扭捏顯有不實不盡仰按察司飭再研審實在因
何起衅如何下手致傷究明是否有心欲殺有無在場

幫毆之人務得確情按擬招解仍候督部堂批示繳

籤臬司覆審萬年科一案由

據該司審辦宜春縣民萬年科致傷蘇順侯身死一案
人招到院經本部院提犯親訊據該犯萬年科供稱向
在楊齡坑一帶地方縫衣與周氏姦好與蘇順侯並不
相識蘇順侯亦與周氏有姦小的並不曉得那日蘇順
侯撞見小的斥罵爭鬧蘇順侯奪取木槍毆傷小的右
手背小的跑走蘇順侯追至大路邊戳來小的轉身奪
槍過手戳傷蘇順侯身死等語核與司招大相逕度查
此案前據該縣通詳本部院當以所訊詳由鵬突批司
飭審實情擬解該縣不能審出實情仍照原詳附會招

解不解是何意見現經本部院提訊據該犯供出起衅
情由歷歷如繪應速將犯發回該府飭令就近提集人
證質訊明確據實錄供另招解勘合行籤飭為此籤仰
該司立即將犯發回該府飭即由府提同人證再行研
訊務得確情據實錄供按擬解勘儻該府存心迴護不
速審實詳解甚或故事遷延將犯監斃均惟該府是問
至該縣曾令不審實情附會原詳是否僅止不能審出
抑故為捏造並飭該府查明稟覆察奪毋違切切此籤
批臨川縣詳周楊氏因病自盡由

查周楊氏既向有痰病周普廷夫婦同時外出並無一
人在家侍奉致令病迷自盡此其應得之罪豈具結悔

明之所能挽回耶且據現詳而論周楊氏痰迷復發既有鄰人鄒文魁等看見往向氏媳周饒氏報知周楊氏在鄒顯川等圍首自縊又經鄒文魁等幫同周饒氏卸救氏子周普廷回家周饒氏自必詳細告述知與鄒顯川等無涉周普廷何以欲令鄒顯川等幫錢棺殮迨被斥責復以鄒顯川等指字不還致伊母自縊等語赴縣報驗揆厥案情周楊氏並非因瘋自盡周普廷藉母屍訛索已可概見假使因瘋屬實鄰佑人等且有應得之罪何以詳內全未擬及可見事本捏造不敢以罪名如諸無干之人也本部院前因各屬辦理自盡命案不顧案情若何皆以氣痛復發為辭矇混詳結以致動輒輕

生刁風熾盛業經札司通飭各屬凡有自盡案件務將實在因何自盡緣由據實詳辦不准再以因病為辭乃該縣不肯實力遵辦仍照舊套具詳不過改氣痛為痰迷以圖搪塞豈真積習相沿牢不可破耶言之殊堪痛恨仰按察司嚴行申飭並飭提集人證再行研審周楊氏實在因何自盡務得確情錄供另詳察奪如果實係因病自縊亦即遵照通飭親身押帶人證來省聽候提審核辦均毋違延仍候督部堂批示繳

札臬司轉飭臨川縣稟覆審辦陳江氏一案由

本年閏七月十四日據臨川縣王令具詳陳江氏因病自縊身死一案到院本部院查此案前據王令具詳當

以氏姑陳范氏曾在本部院行轅呈控伊媳陳江氏係
被毆致斃核與所詳不符且據訊情節支離未確批司
飭再研訊詳辦在案該令自應訊錄確供備敘前次具
詳奉駁原委據實詳覆今閱來詳該令不但不遵確訊
仍就原詳情節略為敷衍襲用因病自縊套辭附會率
覆且將前次具詳奉駁各層於詳冊內概行抹匿將現
審之供作為初審供詞轉於附送候批之長詳文內含
糊聲說是何辦法該令身膺民社已非一日試思歷辦
案牘有似此詳冊與長詳兩歧者乎至陳范氏控案該
令如已訊明即應隨案詳覆以便與正案互相察核茲
長詳內又聲稱詳府核轉憑何察辦該令辦事何以顛

預悠謬一至於此實所不解合行札飭為此札仰該司
即便轉飭王令明白稟覆一面嚴飭現署縣銘令提集
人證再行研訊確實真情錄取切供另行詳候察辦毋
許迴護遷就所有王令現詳書冊及長詳各一件發司
轉發閱看仍繳還備案此札

批臨川縣詳審擬陳江氏自縊身死一案由

查此案前因該縣王令疊以陳江氏因病自縊朦混詳
報批飭確審今既訊明王燦春曾有著令陳江氏歸還
代借錢文並氏子陳明俚虛立錢票並有若再遲延告
官拘追之言則陳江氏之輕生確由王燦春之威逼王
令前詳之因病自縊全係捏造乃詳內猶必硬行砌入

是何肺腑且陳明俚僅擅當王燦春棉褲一條何以復
立二千文票據若謂恐有虧空亦無預先寫票作抵之
理况陳明俚與王燦春夥開穀店原議賺錢百文陳明
俚僅分十一文嗣陳明俚因生意淡薄即他往傭工來
去自由其非經手專管帳目可知何以慮其有虧而令
其預立票據况尚有武啟壽同為店夥如果陳明俚有
虧不難三面指算無虧亦可保質而必更令寫票皆非
情非理該令等不準情酌理研訊確實據此無理之詞
顛預具詳並插入陳江氏自縊輕生適逢病發之語仍
欲扭合原詳真屬不堪教訓仰按察司嚴飭再行悉心
研審務得實在確切供情另行錄供通詳核辦如再草

率顛預有心迴護一併嚴叅慎之切切仍候督部堂批
示繳

批臬司詳審擬彭澤縣民陳心明溺斃一案由

查抱忿自盡之案必有窘辱難堪之情此案彭澤縣原
詳據稱陳心明從周春福家牽回牛隻路過宋恒青門
首宋恒青因見牛隻毛色與伊被竊原牛相似喊同鏡
烏龍盤問阻留欲行送官經鏡獻朝勸開並令陳心明
我尋村內熟人往處交還陳心明因人地生疎無處找
人慮恐回家被父責罵投河自盡當以不近情理顯有
不實批司飭再研審在案茲據詳宋恒青因見陳心明
牽牛路過疑竊查問因其言語支吾稱欲送究陳心明

分辯不清棄牛跑走滑跌受傷經饒獻朝扶起陳心明以平空被人疑竊牛隻又未牽回抱忿莫釋投塘自盡查陳心明牽回牛隻本係己物宋恒青不過因其毛色與伊被竊原牛相似向問來歷陳心明自必據實向告有何支吾之處宋恒青等若止空言查問並無毆奪逼迫情事陳心明何至棄牛跑走甚至即以身殉且跑走又先滑跌受傷揆其倉皇窘迫情形不特顯有逼辱難堪之勢更恐尚有追毆跌溺重情現訊供詞隔塞支離全非實情案關咨達未便草率遷就致干部駁仰飭委員再行悉心研審實在如何疑竊逼迫如何嚇詐奪牛是否追毆跌溺抑係窘迫致令自盡務得各確情錄取

切供據實另敘妥詳呈送核辦慎勿稍事遷就切切仍
候督部堂批示繳

批藩司詳請

題旌吉安府民婦宋蕭氏樂善好施由

國家則壞成賦之正供不能以閭閻好行其德之施予
當之本部院有督催之考成未敢冒昧具

題也該府錢糧積疲該守或亦思補救之耶意非不善
然而誤矣官之侵者何許吏之蝕者何許宜如何清釐
而責成之概未之聞也實在頑抗之欠戶宜如何化誨
而懲儆之亦未之聞也徒沾沾於富戶之樂施轉得道
有司催科之責此不正本而逐末不核實而驚名泥於

文字之美談知一而不知二者也且使激勸興感於錢糧果有裨益亦本院之所樂從也現在二十二年奏銷及各年舊賦該司正在造報比較之時吉安府各屬徵解之數進耶退耶抑疲如故耶可一核計而知也至宋蕭氏慷慨好施未可沒其善心當如何獎勵之處仰再由司妥議另詳察奪仍候督部堂批示繳

札鹽道查明許灣卡員弁報獲私鹽有無隱匿由為札飭查覆事照得三月十七日據許灣卡文員試用未入流卓淦申報自正月下旬至二月底止續獲逸犯私鹽十一起雖未據報獲大夥梟犯而查拏尚屬勤緊務飭勿稍懈弛為要再向來據獲報鹽每擔連皮均重

六十餘斤茲據報十一起每擔約四十斤零不約而同頗滋疑竇雖梟販之物安能定以畫一之斤重惟揆其冒禁貪利之情儘一人之力極山路之險六七十斤斯為得之今忽羣變而為四十斤零恐係該壯役等有隱匿留賣情弊若果如是則緝私之人即售私之人不獨私愈緝而愈充且適足以啟梟徒玩抗之端此則不可不嚴查究懲者也合行札查為此札仰該道立即轉飭金谿縣密查稟覆並飭該委員卓漆一併查明據實覆辦毋任迴護徇延切切特札

札建昌府查訊新城縣詳報命案不實由

本年十一月二十六日據新城縣通詳龔添林等致傷

熊標身死一案到院據此查江德顯因犯事在逃經差役鄧榮等撞遇向拏不服拒捕值素不相識之熊標路過看見喝斥該犯黃二早黃大牙仔龔添林與熊標亦不認識熊標亦僅止說江德顯不應無禮並無幫捉爭扭情形黃二早等以不干已事亦不問明事由遽斥多管遽行毆打一無理也該差鄧榮鄔明袖手旁觀不獲不解二無理也熊標被打鄧榮等若弗見也者轉是熊橫拉鄧榮欲去稟官三無理也熊標止聲言欲行稟究黃大牙仔何至忿不可遏遽至放槍攻打四無理也江德顯前案另犯僅罪止杖事隔年餘該縣未必仍行差拏定係該縣昏庸闕冗未將前出差稟撤銷以致虎差

率領白役藉案嚇詐刁民頑抗不服羣毆斃命之外必
尚有毆差之事該縣一概抹煞做出許多情節不知愈
做愈敗露該縣本係庸才乃猶不核實辦案欲巧避失
察之咎豈似此虛捏做案之習尚不可特叅耶除詳批
司轉飭遵照外合行札飭為此札仰該府立即遵照親
提全案人證確訊實情另行錄供通詳核辦如敢一字
徇飾定即一併嚴叅不貸切切此札

札安義縣賊冊短估田

為札飭事本年九月二十五日據代理縣換送事主熊
際泰被竊案內賊冊到院據此查此案前據該前署縣
沈令估賊造冊通詳當因冊開被竊金器每兩僅估銀

九兩已屬短少其餘所估各贓亦諸多輕短有意不使
逾貫批飭確估另造詳送在案該代理縣不遵照核實
另估乃以所有金器均屬沒金衣飾等贓俱係破爛低
潮為辭仍照原估造冊頂覆試問此案該代理縣已能
獲賊起贓否如未起贓該代理縣從何知其金係沒金
更從何知其衣飾俱係破爛低潮強辭混辨不知該代
理縣是何肺腑實令人憤悶為此仰該縣立即查明該
代理縣如何朦混飾覆據實稟奪仍速將此案失贓核
實確估限五日內造冊另呈該縣如再支吾不實定必
一併嚴叅凜之贓冊扯碎不閱擲還此札

批萬載縣會詳審擬楊先春服毒身死一案由

查此案楊先春如果因借欠王賓四錢文無償被王賓
四逼索服毒自盡何以屍叔楊吉林輒以楊先春之妻
王氏在王吳二姓家往來及王賓四統領男婦多人將
楊先春叢毆並王賓四之妻不知將何湯水與飲服畢
即斃等辭具呈報驗現詳雖稱據楊吉林供明係挾嫌
捏報而核其所報情辭似非盡出無因且楊先春與王
賓四誼屬郎舅其所欠之錢又止千文縱使王賓四催
討逼索聲稱告官追究亦不過空言催索且經勸處走
散楊先春何至就此輕生察核情節支離牽強縱謂楊
先春實係輕生自盡而度其自盡根由總必別有衅端
前署宜春縣王令不能審確究辦率以屍親狡展為辭

稟請委員會審藉辭卸責固屬庸懦無能而該縣曾令
等承審數月之久不究確切真情據實詳報只知遷就
了案尤為紕繆仰按察司即飭袁州府提集人證親訊
切供確情據實另詳儻敢稍涉迴護牽就率覆不以實
情詳辦經本部院提省究出必將該府縣一併嚴叅凜
之切切仍候督部堂批示繳

批崇義縣詳羅魯三因病自盡由

服毒身死之案並不用銀鉞探入咽喉查驗已屬不合
且原勘羅魯三店屋一直三進而羅魯三係七十餘老
人開設酒癮店何以別無一人且因病自盡已視死如
歸何以又著人喚伊妻赴店所著之人適從何來何以

並姓名而烏有之現詳殊未確實仰按察司確查詳奪
仍候督部堂批示繳

批廬陵縣詳曾慶沅因向胞弟毆打自行致傷身
死由

查曾慶沅不過摘食伊弟曾富沅園內北瓜數箇曾富
沅疑竊咒罵曾慶沅既聽聞出認曾富沅猶復分辯已
屬不恭且曾富沅若僅止用言分辯曾慶沅有何忿不
可遏輒拾木棍向毆所訊起衅根由已屬支離至曾慶
沅所持係屬槌及短棍曾富沅如果執住求饒勢必對
面支持低手哀告曾慶沅用力奪回致棍頭戳傷胸腹
以下之處或尚可信何能傷及胸腹以上之左脰膊况

人情怒則氣揚困則勢俯故凡身受多傷或來勢兇欺
之案往往有低頭向撞者類皆無可如何窘困拚命之
意此案曾慶沅將棍趕毆被曾富沅既格落其棍勢必
益形忿怒或舉拳向毆或拾棍向毆以兄毆弟毫無窘
困豈有忽然低頭向撞之情之勢得毋計欲安頓顛門
偏右兩傷而捏辭混報耶查服制罪名本院春間曾節
刊簡明律條頒式各縣該縣平日視為迂腐並不照刊
廣布使愚民得以遷善遠罪及出有重案胸中先橫一
救生不救死之說將各樣陋套生吞活剝不肯實事求
是恨極忿極仰按察司即飭該縣提集人證再行研訊
實在如何起衅爭毆致傷胞兄身死究明下手確情錄

取切供另詳核辦儻敢稍事支飾即嚴揭叅懲仍候督
部堂批示繳